


蘇東坡詩集

酬  
和  
十三

特別  
A18  
37  
10





和 18  
號 27  
卷 10

蘇東坡詩集注卷第十三

酬和三

次韻道潛留別

為聞廬嶽多真隱故就高人斷宿攀已喜禪心無

別語尚嫌剃髮有詩斑任唐僧詩云髮為作詩斑異同更莫疑三語

付八還厚楞嚴經佛言明還日輪暗還黑月通還戶牖壅還牆宇緣還物我終當

到後與君開北戶舉頭三十六青山次公

明性當欲誰還言嵩山

次韻葉致遠見贈

欲求五畝寄樵蘇次公左太冲魏都賦樵蘇往而無忌注樵木蘇艸也到處留連似



賈胡續後漢馬援征五溪水疾船不得上耿舒與兄信命不須歌奔書曰伏波類西域賈胡到處輒止以是失利

去汝厚詩逝將去汝適彼樂土逢人未免歎猶吾接論語崔子弑齊君陳文子有馬十乘棄而違

人皆勸我杯中物續陶詩天運苟如此且進杯中物子仁李白憶賀監

我獨憐君屋上烏續武王克殷曰將奈其士眾何太公曰愛其以者兼屋上之烏杜詩丈人屋上烏烏好人亦好

一技文章何足道厚杜詩文章一小技於道末為尊要知摩詰是文殊師

告文殊師利汝行諸維摩詰問候文殊師利言彼上人者難以酬對深達

寔相善說要法堯卿維摩詰經曰文殊師利問維摩詰我等各自說已仁

者當說何等是菩薩不二法門時維摩詰默然無言文殊師

利歎曰善哉善哉乃至無有文字語言是真入不二法門

次韻杭人裴維甫

餘杭門外葉飛秋尚記居人挽去舟一別臨平山

上塔次公臨平山在杭州州仁和縣五年雲夢澤南州次公杜牧憶齊安郡詩平生睡足處雲夢澤南

州即黃秦望氣者言江東有天子氣故鑿地脉斷連岡改為秣陵方山是其斷處水為秦淮淒涼楚些緣君發邂逅秦淮為子留次公秦淮在江寧府

應時許夢中遊

次韻段縫見贈

季子東周負郭田續蘇秦東周維陽人嘗曰使我有維陽負郭田二頃豈能佩六國相印乎須知力

穡是家傳次公書云若農服力田穡細思種薤五十本厚龔遂為渤海太守勸民口種百本

大勝取禾三百廛援詩不稼不穡胡取禾三百廛兮若得與君連北

巷故應終老忘西川短衣匹馬非吾事只擬關門

不問天次公杜詩自斷此生休問天杜曲幸有桑麻田短衣匹馬隨李廣看射猛虎終殘年

次韻滕元發許仲途秦少游

二公詩格老彌新醉後狂吟許野人坐看青丘吞

澤芥任司馬相如子虛賦曰秋田乎青丘彷徨于海外吞若雲夢者八九於其胸中曾不芥蒂自慚潢潦薦溪

嶺厚左傳澗溪沼沚之毛潢汗行潦之水兩邦旌燾光相照十畝鋤犁手自

親次公兩邦旌燾意者滕元發許仲途皆為太守乎然破題指之為許野人未省十畝鋤犁又先生自言也何似秦郎妙

天下明年獻頌請東巡厚後漢馬融上東巡頌安帝奇其文次公此末句方言少游則兩邦旌燾以言

滕許審矣

次韻蔣穎叔堯卿名之奇公嘉祐二年章衡榜與穎叔同登第

月明驚鵲未安枝一棹飄然影自隨江上秋風無

限浪枕中春夢不多時次公歐陽永叔詞語云來如春夢不多時枕中字特用字耳不必指邯鄲呂翁

也瓊林花艸聞前語罨畫溪山指後期厚劉商隱愛義興之罨畫溪遂

至陽羨入海圻葦居焉次公先生詩尾本注所謂陽羨則常州也古云陽羨三湖九溪地志云今只有六溪其三溪不知其處而六溪之中有荆溪則首受蕪湖東俗呼為罨畫溪豈敢便為雞黍約玉堂金殿要論思符詩

記及第時瓊林宴坐中所言且約同卜居陽羨

和王旂二首旂平父子

異時長怪謫仙人辰翁謂平父舌有風雷筆有神續杜詩下筆如有神

聞道騎鯨遊汗漫厚杜詩若逢李白騎鯨魚道甫憶曾捫蝨話悲辛晉

詩到諸郎尚絕倫白髮故交空掩卷淚河東注問

蒼旻次公退之詩我不如水東注子仁杜詩獨有淚成河經天復東注

嫋嫋春風送渡關娟娟霜月照生還次公古詩有娟娟霜月遲留

歲莫江淮上來往君家伯仲間未厭冰灘吼新洛

六月廿二

厚汴渠舊引黃河元豐中始以洛水易之謂之清汴或謂之新洛

且看松雪媚南山厚南山州之山為

名都野梅官柳何時動續杜甫西郊詩市橋官柳細江路野梅香

飛蓋長橋待

子閒

次公長橋泗州之橋

次韻張琬

堯卿字德父治平二年彭汝礪榜登第

新洛霜餘兩岸隆塵埃舉袂識西風

續晉書王導不平庾亮之擅權每遇

西風塵起舉扇白蔽曰元規塵汚人

臨淮自古多名士

次公此汝穎多奇士之變也

尊酒相從

樂寓公

厚禮諸侯不厚寓公

半日偷閒歌笑裏百年暗盡往來

中知君不向窮愁老尚有清詩氣吐虹

次公選云慷慨則氣成虹霓

和人見贈

只寫東坡不著名此身已是一長亭壯心無復春

流起衰鬢從教病葉零知有雪兒供筆硯

續李家有歌妓名雪

兒賓客有詩詞奇麗中意者即付雪兒叶音律而歌之師韓定之詩曰盛德好將銀筆述麗詞堪與雪兒歌

應唾竈婦洗

盆餅

次公禮記與者老婦之祭也盛於盆尊於餅注云與或作甯

回來索酒公應厭京口

新傳作客經

次韻王定國南遷回見寄

土暈銅花蝕秋水

次公秋水以言劍也寶劍光如秋水

要須悍石相礮砥十

寒冰蘖戰膏梁

次公冰蘖以言清苦白樂天所謂飲冰食蘖也

萬里煙波濯紈綺

歸來詩思轉清激百丈空潭數魴鯉逝將桂浦擷

蘭蓀不記槐堂收劔履

續定國家有三槐堂

却思庾嶺今何在

更說彭城真夢耳

來詩述彭城舊遊

君知先竭是甘井

厚莊子直木先

伐甘井先竭

我願得全如苦李

續晉王戎傳戎嘗與羣兒戲於道側見李樹多實等輩競趨之戎獨不往

或問其故戎曰樹在道旁而多子必苦李也取之果然

妄心不復九回腸至道終當三

文蔚堂

洗髓堯卿太平廣記東方朔元豐中游鴻蒙之澤忽遇老母採桑於  
房之濱俄而有黃眉翁指母以語朔曰昔為吾妻託形於太白之  
精今汝亦此精也吾却食吞氣已九千餘年目中童子皆有青光能見幽  
隱之物三十年一返骨洗髓三十年一剝皮伐毛吾生來已三洗髓三伐毛矣  
廣陵陽羨何足較次公廣陵揚州也只有無何真我里持

掣電機鋒不容擬次公掣電緣交心通豈復問云何印  
可聊須答如是厚維摩詰言若尼如是坐者佛所印可相逢為我話留滯次

和王勝之三首

城上湖光煖欲波美人唱我踏春歌次公異聞集載邢

歌踏陽春之曲曰踏陽春人間二月雨和塵陽春踏盡秋風起愁盡人間  
白髮人性之酉陽雜俎云元和初有士人因醉臥廳中及醒見古屏上婦  
人等悉於牀前踏歌歌曰長安女兒踏春陽  
無處春陽不斷腸士人驚叱之忽然上屏  
魯公賓客皆詩酒誰

是神仙張志和次公玄真子姓張名志和魯國公顏真卿與之友

詞其首唱即志和之詞曰西塞山邊白鷺飛桃花流水鱖魚肥青箬笠綠  
簑衣斜風細雨不須歸真卿與陸鴻漸徐士衡李成矩共唱和二十五首  
遞相  
誇尚

齋釀如澗漲綠波續左傳晉侯以齊侯宴投壺齊侯舉矢穆子  
曰有酒如澗有肉如陵寡君中此與君代興  
公

詩句句可絃歌流觴曲水無多日更作新詩繼永  
和厚王羲之蘭亭記云永和九年歲在癸丑莫  
春之初會於會稽山陰之蘭亭修禊事也  
要知太守憐孤客不惜陽春和俚歌坐睡尊前呼  
不應次公後漢劉寬嘗講經為公雕琢損天和於靈帝前被酒坐睡

和田仲宣見贈

頭白江南醉司馬次公言白樂天也白自號寬心時復喚殷  
醉吟先生嘗謫江州司馬  
兄續樂天又有詩云猶有誇張寒潮不應淮無信客路相隨  
少年處笑呼張丈與殷兄

月有情未許低頭拜東野厚退之醉留孟東野詩云低頭拜東野願得終始如駉蛋徒

言共飲勝公榮援晉書王戎與阮籍飲時兖州刺史劉昶字公榮在坐以酒少不及昶昶無恨色戎異之他日問籍

曰彼何如人曰勝公榮不可不與飲若減公榮則不敢不共飲唯公榮可不與飲好詩惡韻那容和刻燭

應須便置觥續齊竟陵王子良常夜集學士刻燭為詩四韻者刻一寸以此為率厚南史王泰傳泰預朝宴刻燭賦詩

和仲伯達

歸山歲月苦無多尚有丹砂奈老何繡谷只應花

自染鏡潭長與月相磨君方傍海看初日我已橫

江擊素波厚漢武帝秋風詞云橫中流兮揚素波簫鼓鳴兮發棹歌人不我知斯我貴不

須雷雨起龍梭援晉陶侃少時漁於雷澤嘗網得一織梭以挂於壁有頃雷雨化為龍而飛去

次韻答賈耘老

五年一夢南司州次公南司州者言黃州也唐武德三年於黃州黃陂縣置南司州七年廢其初蓋北齊武帝置

也飢寒疾病為子憂東來六月井無水仰看古堰

橫奔牛厚常潤州之間有奔牛閘平生管鮑子知我今日陳蔡誰從

丘夜航爭渡泥水澀牽挽直欲來瓜洲自言嗜酒

得風痺故鄉不敢居溫柔援趙飛燕外傳成帝幸合德謂其溫柔鄉曰吾老是鄉矣不能效武

定將泛愛救溝壑厚杜詩虛名但蒙寒溫問泛愛不救溝壑辱衰病不復

從前樂師張籍詩與君相逢莫寂寞衰老不復從前樂今年太守真臥龍厚襄陽記曰諸葛孔

笑語炎天出冰雹時低九尺

蒼須髯續杜詩張公一生江海客身長九尺須眉蒼過我三間小池閣故人改

觀爭來賀小兒不信猶疑錯為君置酒飲且哦艸

間秋蟲亦能歌可憐老驥真老矣無心更秣天山

禾次公天山在伊州伊吾縣薛仁貴三箭定天山又退之詠鶯鷺云飢食天山禾

次韻許導

蒜山渡口挽歸艍

次公蒜山在潤州

朱雀橋邊看道裝

次公朱雀橋在

江寧府晉之建康也

供帳已應煩百兩

續疎廣疎受乞骸骨歸東海故人設祖道供帳東都門外送車數百兩

擊鮮無久溷諸郎

厚前漢陸賈分橐金與諸子曰與汝約過汝汝給人馬酒食極歡十日而更一歲中以往來過他

客率不過再過數擊鮮毋久溷汝為也

問禪時到長干寺

次公長干里在建康

載酒閒過

綠野堂

續裴度請老治第東都作別墅其煥館涼臺號綠野堂度野服蕭散與白居易劉禹錫把酒為文章窮晝夜不問人間事次公

以長干寺推之則綠野堂亦在建康矣舊注所引則在西京與上不接又裴晉公之綠野堂今豈在乎恐名偶同耳或曰時王介父閑居故以綠野

堂比此味只憂兒輩覺

援晉謝安嘗謂王羲之曰中年以來傷於哀樂與親友別輒作數日惡義之曰年在

桑榆自然至此正賴絲竹陶寫惟恐兒輩覺損其懽樂之趣

逢人休道北窗涼

厚陶潛言夏月虛閑高臥北窗

之下清風颯至自謂羲皇上人

次韻孫莘老斗野亭寄子由在邵伯堰

次公

邵伯堰在揚州廣陵縣本朝樂史寰宇記云謝安所築按安傳及至新城築堞於城北人追思之名為召伯堞然則所謂新城豈乃廣陵邪

落帽謝公渚

厚晉書阮裕赴山陵事畢便還諸人相與追之至方山不相及劉惔歎曰我入東正當泊安石渚下耳不敢近

思曠日脚東西平

師杜甫詩崢嶸赤城西日脚下平地

孤亭得小憩莫景含

餘清

子仁選詩密林含餘清遠峰隱半規

坐待斗與牛錯落挂南甍老僧

如風昔一笑意已傾新詩出故人舊事疑前生

續

增開元中為盧氏宰與道士邢和璞遇夏日入廢佛寺鑿池得甍中所藏婁師德與永禪師書笑曰頗憶此邪因悵然悟前生為永禪師吾

生七往來送老海上城逢人輒自哂得魚不忍烹

似聞績溪老復作東都行

次公指言子由也先生既自黃移汝故子由亦自監筠州鹽酒稅移

知歛之績溪先生未至汝繼得請歸常尋又起知登州而子由自績溪以校書郎被召入京亦須由召伯堰至東都於篇末及之小詩

如秋菊豔豔霜中明過此感我言長篇發春榮

後



漢陽修書華若  
春榮溜如春風

次韻送徐大正

別時酒醖照燈花知我歸期漸有涯去歲渡江萍

似斗續家語楚昭王渡江江中有物大如斗直觸王舟舟人取之王使人問於孔子孔子曰此為萍實者也異時小兒謠曰楚王渡江得萍實大如斗赤如日今年並海棗如瓜厚漢書李少君曰臣嘗遊海上見安期生食巨棗大

瓜如多情明月邀君共無價青山為我賒千首新詩

一竿竹不應空釣漢江槎漢江事見退圃詩注

次韻徐績

殺雞未肯邀季路續論語荷篠丈人止子路宿殺雞為黍而食之裹飯先須問子

來厚莊子子輿與子桑友而霖雨十日子輿曰子桑殆病矣裹飯而往食之次公按子桑非子來也豈先生誤記人名邪但見中

年隱槐市次公淮南子云槐市學也樹以青槐又三輔黃圖云明堂辟雍為博士舍三十區為會市但列槐樹數百行諸生朔望會

此市各持其郡所出物及經書所與賈買雍容揖讓議論槐下豈知平日賦蘭臺援宋玉風賦云楚襄王游於蘭

臺之宮有風颯然而至者王乃披襟當之曰快哉此風海山入夢方東去風雨留人得

暫陪若說峨眉眼前事次公峨眉山在嘉州峨眉縣而眉州眉山縣正對之故州縣得以為名先生眉

也故鄉何處不堪回

次韻趙令鑠

東坡已報六年穰續計然言歲在金穰水毀木飢火旱次公莊子在黃州凡跨六年故云惆悵紅塵白首郎次公先生至常州以遇哲宗即位復朝奉郎知登州至登州五日召

為禮部郎中則所謂白首郎者謂此也馮唐顏駟皆云白首為郎又京師有東華軟紅香塵之語枕上溪山猶可

見次公先生自黃徙汝起知登州而召入猶夢見黃州門前冠蓋已相望次公漢書使者冠蓋相望故

人年少真瓊樹續晉書王戎有人偷鑿識常目王落筆風生

戰堵牆厚杜詩集賢學士如堵端向甕間尋吏部援晉畢卓字茂世為

文蔚堂

吏部郎常飲酒廢職比舍郎釀熟卓因醉夜至其甕間盜飲之為掌酒所縛明日視之乃畢吏部也遽釋其縛卓遂引主人宴於甕側致醉而去  
 老來專以醉為鄉厚唐王績字無功遊北山東臯著書自號東臯子乘牛經酒肆留或數日又採杜康儀狄以來善酒者為譜李淳風曰君酒家南董也所居東南有盤石立杜康祠祭之尊為師以焦革配著醉鄉記以擬劉伶酒德頌

### 次韻王定國得穎倅二首

仙風入骨已凌雲

續司馬子微謂李白有仙風道骨司馬相如奏大人賦武帝飄飄然有凌雲氣游天地之間意

秋水為文不受塵

次公杜詩秋水為神玉為骨 一噫固應號地籟

籟則眾竅是已又云大塊噫氣其名為風是唯無作則萬竅怒號

餘波猶足挂天紳

流沙又孟郊詩檐溜擲天紳

買牛但自捐三尺

買牛見山邨五絕注續三尺言劍也漢高祖曰吾以布衣提三尺劍取

射鼠何勞挽六鈞

援魏杜襲言千鈞之弩不為鼯鼠而發機次公左傳顏高之弓六鈞 莫

向百花潭上去

次公百花潭應在潁州

醉翁不見與誰春

厚歐陽文忠公自號

醉翁致仕居潁尾

滔滔四海我知津每愧先生植杖芸自少多言聞

晚道

援老子多言數窮又莊子載孔子言丘之晚聞道也

從今閉口不論文濫翻白

獸尊中酒

厚魏正且元會設白獸尊於殿庭尊蓋上施白獸若有人能獻直言者則發此尊飲酒

歸煮青

泥坊底芹

援杜詩飯煮青泥坊底芹

要識老僧無盡處牀前牛蟻

不曾聞

厚晉書殷仲堪父嘗患耳聾聞牀下蟻動謂之牛關

### 次韻王震

堯卿字子發

攜文過我治平間霧豹當時始一斑

續戰國策陶答子不修德而富三倍其妻

泣曰南山有玄豹霧雨七日不下食將欲以澤其毛衣而成文章也凡豕不澤食故肥而死無幾陶答子被誅厚晉書王獻之年數歲嘗觀門生博

籍曰南風不競門生曰此即亦管中窺豹時見一斑

聞道吹噓借餘論故教流落得

生還清篇帶月來霜夜妙語先春發病顏詩酒莫

年猶得用竹林高會許時攀

續晉書嵇康所與神交者惟阮籍山濤豫其流者向秀劉

伶籍兄子咸王戎遂為竹林之遊謂之竹林七賢云

次韻周邠 周開祖也子仁熙寧中公

南遷欲舉力田科 續漢文帝詔孝悌力田者復其身 三徑初成樂事多

次公詩謂為三徑以待求仲羊仲又陶淵明曰聊欲絃歌以為三徑之資可乎 豈意殘年蹋朝市有如

疲馬畏陵坡羨君同甲心方壯笑我無聊鬢已皤

何日西湖尋舊賞 次公西湖遺言杭州西湖也先生與周開祖舊遊之地 淡煙疎雨暗

漁簑

次韻胡完夫 堯卿名宗愈

青衫別淚尚爛斑 續白樂天詩就中泣下誰最多江州司馬青衫濕 十載江湖困抱

關 厚蕭望之不從霍光以射策為都署小苑東門候時王翁仲謂望之曰不肯碌碌反抱關為對曰各從其志也 老去上書

還北闕 援孟浩然北闕休上書南山歸敝廬 朝來拄笏望西山 續晉書桓冲謂王徽之曰卿在

府日夕比當相料理徽之初不酬答直高視以手扳拄頰云西山朝來致有爽氣耳 相從杯酒形骸外笑

說平生醉夢間萬事會須咨伯始 厚後漢胡廣字伯始練達事體明解朝章京師

語曰萬事不理問伯始天下中庸有胡公 白頭容我占清閒

次韻錢穆父 錢颺也

老入明光蹋舊班 次公明光漢殿名在桂居之中關中記曰桂宮在未央宮之北周回十餘里有明光殿殿上

複道從宮中西上城西至建章宮神明臺蓬山三秦記曰未央宮漸臺西有桂宮宮中有明光殿金祀玉階班固西都賦曰未央而連桂宮北彌

明光而巨長樂 染鬚那復唱陽關 次公劉禹錫詩唱得涼州意外聲舊人

後生 故人飛上金鑾殿 次公唐東內大明宮之中有金鑾殿記云

鑾殿立憲宗為皇太子而樂史李翰林別集序云翰林在唐天寶中賀監以名聞於明皇帝召見金鑾殿降步輦迎如見綺皓於是置之金鑾殿出

入翰林中師李白詩承恩初入銀臺門著書獨在金鑾殿 遷客來從飯潁山 援李白嘲杜甫云飯潁山前逢杜甫

頭戴笠子日卓午借問因何太瘦生只為從來作詩苦次公蓋李白譏甫 醒澗言甫之為詩如砌飯為山也故先生每用飯山字曰李白由嫌飯山

百士

瘦又曰不獨飯山嘲我瘦又曰只有清詩朝飯顆是大筆推君西漢

已而士大夫有因為之說曰今長安有飯顆山之名未詳厚劉向劉歆父子俱以文章學

手續唐李嶠為鳳閣舍人朝廷一言置我二劉間子俱以文章學

術稱子仁晉書載記石勒謂徐光曰便須置酒呼同舍看賜飛

朕當在二劉之間耳軒轅豈所擬乎龍出帝閑

續翰林學士初除例賜名馬李白詩云勅賜飛龍二天馬黃金絡頭白玉鞍馬八尺以上為龍天子有十二閑以畜馬

次韻答完夫穆父二公自言先世同在西掖

掖垣老吏識君郎援劉楨詩誰謂相去遠隔此西掖垣注引應劭漢官儀曰左右曹受尚書事前世文士以中書

並轡天街兩絕塵汗血固應生有種在右因謂中書為右曹又稱西掖垣

厚大宛馬皆汗血其先天馬子夜光那復困無因豈知西省

也任又北史遼國獻汗血馬深嚴地堯卿本朝太祖謂宰相曰學士深嚴之地當選謹重之人處之

乃當繁又王元之滁州謝上表云臣自西垣入叨內府既在深嚴之地也著東坡病瘦身免使謫仙明月下狂歌對

飲只三人援李太白詩舉杯邀明月對影成三人今先生言其與胡完夫錢穆父自為三人也

次韻答滿思復堯卿名中行

自甘茆屋老三間次公此詩乃先生召還朝在西掖時所唱和豈意彤庭綴兩

班紙落雲煙供醉後續杜詩八仙歌稱張旭云揮毫落紙如雲煙任潘岳作楊荊州誄云動翰若飛紙落

如詩成珠玉看朝還厚子美詩朝罷香煙滿袖詩成珠玉在揮毫師江淹謂郭鞏曰子之咳唾成珠玉

吐氣如虹霓誰言載酒山無賀援李太白憶賀監詩嵇山無賀老却懼酒船回記取啼烏

巷有顏續異苑陽顏以純孝著聞後有烏銜鼓集顏所居之邨烏口皆傷一境以至孝故慈烏來萃銜鼓之象欲令聾者遠聞即於其處但恐跛牂隨赤驥青雲

飛步不容攀次公呂氏春秋千仞之山而跛牂至其上凌遲故也又周穆王八駿之名有曰右驂赤驥而左白羲又劉琨曰

一處造青雲何至與焉馬爭路

和蔣發運

夜語翻千偈次公晉書鳩摩羅什從師授經日誦千偈書來又一言此身真

文蔚堂

佛祖何處不義軒船穩江吹座樓空月入尊遙知  
思我處醉墨在頽垣

次韻錢舍人病起

牀下龜寒且耐支厚史記龜茨傳南方老人用龜支牀足停二十餘歲老人死移牀龜尚生杯中蛇

氣未應衰厚音書樂廣嘗有親客久闕不復來廣問其故答曰前在座蒙賜酒方欲飲杯中有蛇影意甚惡之既飲而疾於時

河南廳事壁上有角漆弓畫作蛇廣意杯中蛇即角弓影也復置酒於前處謂客曰杯中復有所見不答曰所見如初廣乃告其所以客豁然頓解

沈痾厚愈殿門明日逢王傳次公東方朔傳期門之號謂期諸殿門也王傳事賈誼為長沙王太傅師杜甫贈鄭廣

榻具爭先看不疑厚前漢雋不疑見暴勝之冠進賢冠帶榻

覺香煙攜袖少厚梅學士詢好焚香每晨起必焚兩爐以公服單之撮其袖以出坐定撒開郁然滿堂獨愁

花影上廊遲厚學士入署常視日影為候李程為翰林學士性懶日過八磚乃至時號八磚學士何妨一

笑千痾散絕勝倉公飲上池次公扁鵲渤海鄭人姓秦氏少為人舍長舍客長桑君過扁鵲獨奇之常謹過之長桑君亦知扁鵲非常人呼扁鵲私坐與語曰我有禁方年老欲傳與公公毋泄乃出其懷中藥與扁鵲曰飲煮以上池之水三十日當知物矣乃悉取其禁方書與扁鵲忽然不見今詩言倉公誤以為淳于意

次韻和王鞏

謫仙竄夜郎厚李白坐水王璘亂長流夜郎唐以珍州為夜郎郡子美耕東屯厚東屯在今夔州故城

造物豈不惜要令工語言王郎年少日文如

鉞水翻爭鋒雖剽甚厚仁漢書黥布反上自將擊之張良見上曰楚人剽疾願上無與楚人爭鋒聞

鼓忽驚犇天欲成就之使觸羝羊籥孤光照微陋

耿如月在盆歸來千首詩傾瀉五石尊厚莊子今子有五石之瓠何不

却疑彭澤在頗覺蘇州煩君看鄒忌子

廉折配春温厚史記鄒忌子論琴大絃濁以春温者君也小絃廉折以清者臣也知音必無人

慮以為大尊而浮於江湖

壞壁挂桐孫師凡餘實而末虛惟桐反是故琴材以孫枝為貴

### 次韻李修孺留別二首

十年流落敢言歸次公先生自開封府推官乞外任初倅杭徙知密自密徙徐徙湖而謫黃者五年且移汝起知

登而魚鳥江湖只自知豈意青天掃雲霧次公晉樂廣傳衛玠使諸子造

馬曰此人之水鏡見之然若披雲霧而觀青天先生指青天指為人君盡呼黃髮寄安危續書詢

則風流吾子真前輩人物他年記一時我欲折縑

留此老厚前漢縑軍入關關吏與縑曰為復傳還當以合符軍曰丈夫

入皆以傳傳煩因烈縑衣誰作好賢詩按縑衣詩名禮記孔子曰好賢如縑衣惡惡如

此生別袖幾回麾夢裏黃州空自疑何處青山不

堪老當年明月巧相隨窮通等是思家意衰病難

堪送客悲好去江魚煮江水劔南歸路有姜詩續後

漢烈女姜詩妻龐氏傳詩母好飲江水去舍六七里妻常泝流而汲後值風不時得還母渴詩責而遣之妻乃寄止鄰舍晝夜紡績市珍羞使鄰母以意自遺其姑如是者久之姑怪問鄰母鄰母具對感慙呼還姑嗜魚鱸又不能獨食夫婦常力作供鱸呼鄰母共之會側忽有湧泉味如江水每且輒出雙鯉常以供膳故今地名有姜詩鎮

### 次韻黃魯直赤目

誦詩得非子夏學續下商字子夏為詩序毛公詩自謂傳之子夏子夏哭子失明事見禮記紬史

正作丘明書厚司馬遷答任少卿書云左丘失明厥有國語天公戲人亦薄相略

遣幻翳生明珠賴君年來屏鮮腴百年燈光同一

如次公維摩經言無盡燈者譬如一燈然百千燈冥者皆明明終不盡書成自寫蠅頭表續齊衡陽王鈞嘗于

自細書五經置巾箱中侍讀賀玠曰端就君王覓鏡湖厚唐賀知章天寶初

病夢游帝居數日寤乃請為道士還鄉里詔許之以宅為千秋觀而居又求周宮湖數頃為放生池有詔賜鏡湖剡川一曲

和周正孺墜馬傷手

堯卿名尹嘗為御史成都新繁人

平生學道已神完豈復兒童私自憐醉墜何曾傷

內守

續莊子醉者之墜車骨節與人同而犯害與人異其神全也

色憂當為念先傳

厚樂正子下堂

而傷其足數日不出有憂色曰父母全而生之子全而歸之可謂孝矣

書空漸覺新詩健

援晉殷浩被廢口無

怨言夷神委命談詠不輟但終日書空作咄咄怪事四字而已

把蟹行看樂事全

續畢卓嘗謂人曰得酒滿數百

斛船四時美味置兩頭右手持酒杯左手持蟹螯拍浮酒船中便足了一生矣

賣却老驄為酒直大呼

鄉友作新年

和黃魯直燒香二首

四句燒香偈子

次公金剛經偈謂之四句偈

隨香遍滿東南不是聞

思所及

次公楞嚴經觀音從聞思修入三摩地

且令鼻觀先參

次公佛有觀想法觀鼻端白謂之鼻觀

萬卷明窗小字眼花只有爛斑一炷煙消火冷半

生年老心閒

再和二首

來詩言飲酒畫竹石艸書

置酒未逢休沐便同越北燕南

次公休沐漢制也蓋言唯得休沐假而後相聚不然

則如越之北而燕之南也

且復歌呼相和隔牆知是曹參

續漢曹參傳相舍後園近吏舍

日飲歌參遊後園聞吏醉歌呼乃反取酒漿坐飲大歌呼與相和

丹青已自前世

厚王維詩前生應畫師

竹石時窺一斑五字當還

靖節

續陶淵明時號靖節先生善五字詩

數行誰似高閑

厚唐高閑上人善艸書韓退之有送高閑序言

閑之於書有張旭之心

偶與客飲孔常父見訪方設席延請忽上

馬馳去已而有詩戲用其韻答之

揚雄他文皆不奇

次公前漢書有云他文未能稱是

獨稱觀餅居井湄

續揚雄作酒箴以諷諫成帝其文為酒客難法度士譬之於物酒客法

曰子猶餅矣觀餅之居居井之涓處高臨深動嘗近危云云士兩小兒陳遵張竦何曾知

厚遵見揚雄酒箴大喜謂張竦曰吾與爾猶是矣足下苦心自主人有酒君獨

約而我放意自恣官爵功名不減於子而差樂顧不辭蟹螯何不左手持豈復見吾衡氣機

無得而相焉壺子曰是殆見吾衡氣機也明日又來立未定自失而走遣人追君君絕馳盡力去

花君自癡醍醐與酒同

援維摩經言天女散花至大弟子便著不墜一切弟子神力去花不能令去一卮請君更問文殊師

次韻劉貢父獨直省中

明窗畏日曉先暎高柳鳴蜩午更喧筆老詩新疑

有物心空客疾本無根隔牆我亦眠風榻上馬君

先瑣月軒共喜早歸三伏近

續漢武帝詔賜從官肉大官丞日晏不來東方朔曰伏日當早

歸請受賜遂拔劍割肉懷去

解衣盤礴亦君恩

厚莊子宋元君畫有一史後至因之舍公使人視之則解衣盤

贏

次韻王定國倅揚州

此身江海寄天游

任莊子心無天游一落紅塵不易收未許相

如還蜀道

次公司馬相如建節使西南夸至蜀太守以下郊迎縣令負弩先驅蜀人以為寵空教何遜

在揚州

任何遜作揚州法曹解舍有梅花盛開又吟詠其下後居洛思梅花再請其任從之抵揚州花方盛遜對花彷徨終日又

驚白酒催黃菊尚喜朱顏映黑頭火急著書千古

事虞卿應未厭窮愁

次韻張舜民自御史出倅虢州留別

玉堂給札氣如雲初起湘纍復佩銀

次公舜民字雲叟元豐辛酉為環慶帥屬明年責監柳州酒稅柳屬湖相故以湘纍稱之也尋以年勞賜五品服元祐初還朝赴試玉堂有即事詩上主文二內翰云晚陪策試玉堂深

蘇東坡詩集注卷十三



是時先生為內相見其起廢服緋佩銀試於玉堂而喜也玉堂翰林院也  
前漢李尋傳以汗玉堂之署又漢司馬相如賦上林尚書給筆札又漢武  
讀大人賦飄飄有凌雲氣師揚雄反騷因江潭而淮記兮欽弔  
楚之湘纍李奇曰諸不以罪死曰纍弔屈原赴湘死故曰相纍

涼已陳迹昔與張同遊武昌樊口來詩中及之班心突兀見長

身臺史謂御史立處為班心續退之孔戣墓銘云孔世三十八吾見其孫白而長身江湖前日真成夢鄴

杜他年恐卜鄰次公鄴杜屬長安舜民鄉里也此去若容陪坐嘯故應

客主盡詩人

和王晉卿并序任元祐四年己巳作

元豐二年余得罪貶黃州而駙馬都尉王誥亦坐累遠謫不相聞者七年余既召用而誥亦還朝相見殿門外感歎之餘作詩相屬詞雖不甚工然託物悲慨阨窮而不怨泰而不驕憐其貴公子有志

如此故和其韻欲使誥姓名附見余詩集中然亦不以示誥也誥字晉卿功臣全彬之後云

先生飲東坡獨舞無所屬當時挹明月對影三人

足醉眠艸棘間蟲虺莫余毒醒來送歸雁一寄千里目厚唐詩云欲窮千里目更上一層樓悵然懷公子旅食久不玉援杜詩旅食京

華春又前漢陳咸奢侈玉食又晉王濟傳濟麗服玉食蓋濟為晉駙馬則於晉卿用之宜矣

西飛鵲謂言相濡沫續莊子相煦以濕相濡以沫未足救溝瀆厚杜詩汎愛不

救溝瀆厚杜詩汎愛不吾生如寄耳何者為禍福不如兩相忘昨夢那

可逐上書得自便歸老湖山曲師公自黃量移汝州表乞常州居住詔許之躬

耕二頃田自種十年木豈知垂老眼對此金蓮燭

公子亦

次公金蓮燭惟至尊用之援令狐綯為翰林學士嘗便殿召對夜艾方罷宣賜金蓮燭送歸院先生時為翰林學士也

生還仍分刺史竹續漢文帝初置郡守竹使符各分其半右留京師左與郡守也賢愚有定

分尊俎守尸祝厚莊子庖人雖不治庖尸祝不越尊俎而代之文章何足云執技

等醫卜次公司馬遷云文史星曆近乎卜祝之間朝廷方西顧羌虜驕未伏遙

知重陽酒白羽落黃菊援李白九日登巴陵置酒望洞庭水軍云白羽落酒尊師子路云白羽如月赤

謂矢也羽如日羨君真將家浮面氣可掬袁天綱謂寶執君語則赤氣浮面為將勿多殺人

何當請長纓一戰河湟復厚漢書終軍願請長纓以羈南越王而致之闕下援杜牧詩文思天子復河湟次公唐自代宗永泰後隴右悉陷吐蕃故杜牧已有此語

次韻劉貢父所和韓康公憶持國二首

夢覺真同鹿覆蕉厚列子鄭人有薪於野者擊鹿藏諸隍中覆之以蕉俄而遺其所藏之處遂以為夢順塗而詠其事傍有聞者用其言而取之其妻又疑其為夢薪者歸其夜負夢藏之處又夢得之之主宰所夢而尋得之遂訟而爭之歸之士師士師請二分之以聞鄭君皆互有夢覺之說

相君脫屣自參寥次公相君字出史記

范睢傳莊子洛誦之孫聞之參寥顏紅底事髮先白室邇何妨人自遙

狂似次公應未怪援蓋寬饒字次公魏其曰次公醒而狂何必酒也醉推東閣不須

招厚公孫弘開東閣以延賢人也援毫欲作衣冠表盛事終當繼八蕭

唐蕭氏自瑀及邁八宰相次公世有衣冠盛事圖

閉戶端居念獨深小軒朱檻憶同臨燎須誰識英

公意英公為其姊作粥燎須曰吾與姊皆老矣能幾進之師唐李勣黃髮聊知子建心子建與楚王彪

別詩云王其愛玉體共享黃髮期已託西風傳絕唱且邀明月伴孤斟他

時內集應呼我下客先拚醉墮簪次公謝安常當雪內集而謝道韞有未若柳絮

因風起之句元史記淳于髡傳前有墮珥後有遺簪

次韻劉貢父叔姪扈駕

玉堂孤坐不勝清長羨枚鄒接長卿次公前漢梁孝王來朝從鄒陽枚乘

嚴忌之徒相如見而說之因病免客梁從之遊只許隔牆聞置酒師杜甫詩隔屋喚西家借問有酒不牆頭過濁

君不治生師前漢疎廣疎受叔姪歸者散橐中金不為子孫之計或問其故曰賢而多財損其志愚而多財益其過共

託屬車塵土後鈞天一餉夢中榮厚相如賦有犯屬車之清塵應劭曰大駕屬車

八十一乘又史記趙簡子夢與有神遊於鈞天廣樂九奏萬舞不似三代之樂其聲動人心

次韻答張天覺二首

車輕馬穩轡銜堅但有蚤蚤喜撲緣截斷口前君

莫問人間差樂勝巢仙次公列子云齊輯乎轡銜之際又莊子人間世言養馬曰適有蚤蚤撲緣而拊

之不時則決銜毀首碎胸出處撲作撲字音普木反又韓退之記夢詩云口前截斷第二句綽虎顧我顏不歡乃知神仙未賢聖護短憑愚邀我故我寧屈曲身世問安能從汝巢神仙

馭風騎氣我何勞且要長松作土毛亦如訶佛丹

霞老却向清涼禮白毫次公丹霞老天然禪師也初於惠林寺遇天大寒師取木佛焚之入或譏師師曰吾燒取舍利人曰木頭何有師曰若爾者何責我乎而清涼山萬菩薩所在師張天覺為河東提刑行部至五臺山游清涼山有神光也

次韻王都尉偶得耳疾

君知六鑿皆為贅我有一言能決疣繩莊子以生為附贅懸疣以死為決痔潰

癱也病客巧聞牀下蟻厚晉殷仲堪父嘗患耳聰聞牀下蟻動謂之牛鬪也癡人強覷

棘端猴援韓子云燕王好伎巧而人妄進曰臣能於棘刺之端造母猴聰明不在根塵裏藥

餌空為婢僕憂但試周郎看聾否曲音小誤已回

頭縮周喻字公瑾少精音樂雖數爵之後其有關瑜必知之知之必顧時謠曰曲有誤周郎顧

僕領貢舉未出錢穆父雪中作詩見及三

月二十日同遊金明池始見其詩次韻為

答

蘇東坡詩集卷十三

文蔚堂

雪知我出已全消花待君來未敢飄行避門生時

小飲忽逢騎吏有嘉招魚龍絕技來千里師昆明池設水戲作

斑白遺民數四朝知有黃公酒壚在魚龍鳧雁之戲設機於內皆如真焉

蒼頭白髮自相遙厚王戎常經黃公酒壚下過顧謂後車客曰吾昔與嵇叔夜阮嗣宗酣暢於此竹林之遊自嵇

阮云三吾便為時之所羈紲今日視之雖近邈若山河

次韻魯直嘲小德小德魯直子其母微故

其詩云解著潛夫論不妨無外家

進饌客爭起小兒那可涯續晉裴秀少好學有風操八歲能屬文叔父徽有威名賓客甚眾秀

莫欺東方星三五自橫斜厚召南國風小星惠及下也夫夫人客見者皆為之起秀母曰微賤如此直當為小兒故也宜氏知之後遂止

知其命有貴賤能盡其心矣其詩曰嗟彼小星三五在厚召南國風小星惠及下也夫夫人客見者皆為之起秀母曰微賤如此直當為小兒故也宜氏知之後遂止

東注云嗜微貌小星眾無名者三三五蜀四時更見名駒已汗血

老蚌空泥沙次公魏志孔融見韋元將仲將器之與其父端書曰不意雙珠近出老蚌但使伯仁長

還興絡秀家師晉周顛母李絡秀少時在室顛父浚為安東將軍嘗出獵遇雨止絡秀家會其父兄不在絡秀聞浚至與一婢

於內宰猪羊具數十人之饌甚精辦而不聞人聲浚因求為妾父兄不許秀曰門戶珍悴何惜一女若連姻貴族將來庶大有益矣父兄許之遂生顛及嵩謨而顛等並列顯位絡秀謂之曰我屈節為汝家妾門戶計耳汝不與我家為親吾亦何惜餘年顛等從命由此李氏遂得為方雅之族顛字伯仁

景仁和賜酒燭詩復次韻謝之時公方進新樂

笙磬分鈞上下堂舊說堂上之樂皆受笙鈞堂下之樂皆受磬鈞遊魚舞獸自奔

忙任荀子瓠巴鼓瑟而游魚出聽又尚書百獸率舞朱絃初識孤桐韻舊樂金石聲高而絃聲微今樂

玉琯猶聞秬黍香舊法以尺生律今以黍定律以律生尺敬夫後漢志奚景於九疑山玉琯

萬事方今咨伯始一斑我亦愧真長次公伯始胡廣也後漢本傳云人言曰萬事不理問伯始真長劉惔也王獻之傳年數歲嘗觀門生樗蒲曰南風不競門生曰此郎亦管中窺豹時見一斑獻之怒曰遠

蘇東坡詩集卷十三

慙荀奉倩近北名十七此生會見三雍就無復寥寥歎未央援

愧劉貞長雍者明堂靈臺辟雍也乃光武時事寥寥未央事見和邵同年贈賈秀才詩

### 次韻劉貢父春日賜幡勝

寬詔隨春出內朝三軍喜氣挾狐貂厚後漢侯霸建請每春行寬大之詔

霄續謝瞻詩慶霄薄汾陽臘雪強飛纔到地前一日微雪亮卿白樂天江天

地曉風偷轉不驚條援左傳曰風不鳴條雨不破塊師董仲舒云太平之世風不鳴條開甲散萌而已

脫冠徑醉應歸臥便腹從人笑老韶是日幕次賜酒厚弟子嘲邊韶曰邊

孝先腹便便嬾讀書書日眠

### 再和

與君流落偶還朝過眼紛綸七葉貂續前漢金日磾世名忠孝七葉內侍

而左太冲詩金張籍舊業七葉珥漢貂莫笑華顛羞采勝堯卿荆楚歲時記曰立春日悉翦綵為燕子以

戴之貼宜春字倬蔡邕賦云華顛丈人蓋老者之稱也幾人黃壤隔青霄行吟未許

窮騷雅坐嘯猶能出教條記取明年江上郡五更

### 春枕夢春韶

### 葉公秉王仲至見和次韻答之

衫絺方暑亦堪朝歲晚淒風憶阜貂厚戰國策蘇李子黑貂之裘弊共

喜鴛鴦歸禁籞心知日月在重霄君如老驥初遭

絡我似枯桑不受條任條桑字見詩七月強鑷霜須簪綵勝蒼

顏得酒尚能韶

### 再和

衰遲何幸得同朝温勁如君合珥貂天公貂侍中冠也漢儀侍中冠武弁

大冠亦曰惠文冠如金璫附蟬為文貂尾為飾謂之貂蟬注云侍中服之則左貂常侍服之則右貂董巴輿服志云金取堅剛百鍊不耗蟬取居高飲清貂取內勁悍外溫潤本趙武靈王胡服之製秦王破趙得之賜侍中

誰惜異材蒙徑寸自慙枯枿借凌霄續左太冲詩鬱鬱澗底松離山上苗以彼徑寸莖蔭此百尺條凌霄花也光風泛泛

初浮水紅糝離離欲綴條厚楚辭光風轉蕙泛崇蘭又退後之詩始見洛陽春桃枝綴紅糝

日一尊何處共奉常端冕作咸韶續堯之樂曰咸舜之樂曰韶師奉常太常也

次韻秦少章和錢蒙仲

碧畦黃隴稻如京任詩曾孫之庾如抵如京京高丘也歲美人和易得情

鑑裏移舟天外思續李白詩人行明鏡中鳥渡屏風裏次公鑑裏移舟蓋越州之景王羲之嘗曰每過山陰道如明鏡中行是也地中鳴角古來聲厚後漢公孫瓚傳云袁氏之兵鼓角鳴於地中山圍故

國城空在潮打西陵意未平次公先生第二篇次韻錢越州蓋穆父也蒙仲豈趙州之子弟乎先生詩使西陵此正越州也李白送友人尋越中山水詩西陵遠越臺是也又劉禹錫金陵詩山圍故國周遭在潮打空城寂寞回二子

有如雙白鷺隔江相照雪衣明次公玉真妃有一鸚鵡其毛色白名之曰雪衣女先生與陳述古詩共得金籠放雪衣自注云當生日杭人為之放鵠觀此則凡羽毛之色白者皆可言雪衣矣

次韻錢越州

髯尹超然定逸羣次公髯尹以言錢越州諸葛亮與關羽書云子瑜起黥彭之徒當與益德並驅爭先尤未及髯之逸羣絕倫也南遊端為訪雲門次公雲門寺在越州杜詩若耶溪雲門寺謫仙歸侍玉

皇案越州有蓬萊閣元微之越州詩云我皇案是玉皇香案吏謫居猶得在蓬萊老鶴來乘刺史幡續衛懿公好鶴鶴有乘軒者厚漢制二千石朱兩幡已覺簿書哀老子次公東漢馬援為隴西太守任吏以職總其大體而已諸曹白外事援輒曰此丞掾之司可足相煩頗哀老子使得遨遊故知籩豆有司存續論語籩豆之事則

存年來齒頰生荆棘習氣因君又一言

次韻答劉景文左藏

胥山把酒時笑語幾番留湛輩風流千載與吳兒湖山日落丹青煥樓閣風收雨露滋誰使管簫江上住胸中事業

存

存

存

存

存

存

存

存

存

存

存

九門知自注  
云是日大霽

我老詩壇仆鼓旗

援杜牧之詩今代風騷將誰登李杜壇

借君佳句發良時

續杜詩每於百僚上撰誦佳句新

但空賀監杯中物

厚李白憶賀監詩曰昔好杯中物今為松下塵莫

示孫郎帳下兒

次公吳志張昭字子布注載典略曰余曩聞劉荆州嘗自作書欲與孫伯符以示禰正平正平嗤之言如是為欲使孫策帳下兒讀之邪將使張子布見乎又孫策傳注引江表傳曰策時雖有位號而士民皆呼為孫郎夜燭催

詩金燼落

次公杜詩片雲頭上黑應是雨催詩又劉禹錫詩寂寂獨看金燼落又前輩多刻燭為詩秋芳壓

帽露華滋故應好語如爬癢

詩杜詩韓集愁來讀似倩麻姑癢處爬

有味難名只自知

援佛書云如人飲水冷暖自知

次韻錢越州見寄

莫將牛弩射羊羣

續漢有八牛弩以射楚軍矢及十里

臥治何妨晝掩門

次公前漢汲黯拜淮陽太守上曰淮陽吏民不相得吾徒得君重臥而治之

欲息波瀾須引去吾儕豈獨坐多言

次公末句蓋有所激豈越州首篇有所勸莫多言之意乎

送客見車輻搔頭白髮秋無數閉眼丹田夜自存

老人癡鈍已逃寒子復辭行理亦難要到盧龍看

古塞師古盧龍在平州盧龍縣西堯祖沈存中云黑山在大漠之北有黑水出其下北人謂水為龍盧龍者即黑水也投文

易水弔燕丹余昔年辭免使北

胡羊代馬得安眠窮髮之南共一天

援列子有窮髮之北次公李洞詩皇

又見子卿持漢節遙知遺老泣山前

子仁李

羶毳年來亦甚都次公司馬相如傳車騎雍容閑雅甚都商老劉孝儀謂北狄曰羶鄉時時鳩

蘇泣遺老

帝餘古丘樵

嶼分諸國星

河共一天

文蔚堂

舌問三蘇

余與子由入京時北使已問所  
在後余館伴北使屢誦三蘇文

那知老病渾無用

欲問君王乞鏡湖

天公唐賀知章越州永興人請為道士還鄉里  
詔許之以宅為千秋觀而居又求周宮湖數頃

為放生池有詔賜  
鏡湖剡溪一曲

始憶庚寅降屈原

續屈原離騷經曰攝提貞  
於孟陬兮惟庚寅吾以降

旋看蠟鳳戲

僧虔

援南史王曇首與兄弟集會諸子孫任其  
戲適僧虔採蠟珠為鳳凰伯父引稱其美

隨翁萬里心如

鐵此子何勞為買田

時猶子  
遲侍行

雪後便欲與同僚尋春一病彌月雜花都

盡獨牡丹在爾劉景文左藏和順閣黎詩

見贈次韻答之

殘花怨久病剩雨泣餘妍

天公杜詩剩水滄  
江破殘山碣石開

不見雙旌

出

任退之詩有去  
駒逐雙旌之句

空令九陌遷開園中知君苦寂寞妙語

嚼芳鮮淺紫從爭發浮紅任早薦天葩尚青萼國

色待華顛

次公李正封牡丹詩國  
色朝酣酒天香夜染衣

載酒邀詩將

厚揚雄傳好事  
者載酒看從雄

學次公杜牧之詩今代  
風騷將誰登李杜壇

臞儒不是仙

援司馬相如大人賦列仙  
之儒居山澤間形容甚臞

次韻袁公濟謝芍椒詩

燥吻時時著酒濡

任陸機文賦始躑躅於  
燥吻終流離於濡翰

要令臥疾致文

殊

厚維摩詰以方便現身有疾因以身疾廣為  
說法佛告文殊師利汝行詣維摩詰問疾

河魚潰腹空號

楚

續左傳楚師傳蕭無杜與司馬卯言號申叔  
展叔展曰有山鞠窮乎曰無河魚腹疾奈何

汗水流散始信

吳

吳真君服椒法云半年脚心  
汗如水次公吳人呼脚為散

自笑方求三歲艾不如長

作獨眠夫

厚彭祖有言服藥  
千裏不如獨卧

羨君清瘦真仙骨更助飄

飄鶴背軀

次韻林子中王彥祖唱酬



早知身寄一漚中。晚節尤驚落木風。近萃老公擇皆昨

夢已論三世事。歲寒猶喜五人同。軾與子中彥祖子敦完夫同試舉人景德寺今

皆雨餘北固山圍座。天公北固潤州山名後又有次韻林子中詩山亭見寄而句云聞芷賦詩臨北固又次韻

林子中見寄而云蒜山小隱雖為客。則林子中豈客寄於此者乎。春盡西湖水映空 次公先生自言其杭

差勝四明狂。監在更將老眼犯塵紅。次公唐賀知章晚節放誕自號

湖也四明狂客為秘書外監

葉教授和溥字韻詩復次韻為戲記龍井

之遊

先生魯諸儒。飲食清不溥。續禮記儒行其飲食不溥空腸出秀句。

吟嚼五味足。華堂鬧絲管。眸子漲春綠。先生疾走

避。面冷毒在腹。歸來煮瓠葉。次公後漢劉昆教授弟子常五百餘人每春秋享射嘗備列行

儀以素木瓠葉為俎豆弟子歌早麓。聲淫及靈臺。中有

鹿鹿伏。子仁瓠葉早麓靈臺並詩篇名弟子歌早麓意取遐不作人聲淫及靈臺蓋取應鹿以為意也功名一走

兔。何用千人逐。援慎子曰一兔在野百人逐之故應容我輩。

清坐時閉目。高亭石排衙。木杪挂飛屋。我來無時

節。客亦不待速。次公易曰不速之客似聞雪髯叟。西嶺訪遺躅。

朝陽入潭洞。金碧涵冰玉。泉扉夜不扃。雲袂本無

幅。慈皇付寶偈。神侶得幽讀。訥菴有老人。子仁訥菴謂辨才法

也。宴坐天魔哭。時來獻纓絡。法供燈相續。師佛書優波毘多入

定天魔波旬得便用纓絡繫其頸上欲敗法又維摩經云無盡燈者譬如一燈然百千燈冥者皆明明終不盡故世有長明燈供吾儕

詩酒汗。續老杜詩久欲往無乃觸齋厨。費晨炊。車騎

滿山谷。願聞第一義。續杜詩願聞第一義回向心地初鉢飯非所欲。便投

切雲冠。余幼好奇服。次公楚辭余幼好奇服兮年既老而不衰帶長劍之陸離兮冠切雲之崔嵬

次韻林子中見寄堯卿子中名希

飄零洛社數遺民。次公白蓮社中有劉遺民詩酒當年困惡賓。次公前漢

公孫弘曰寧逢惡賓不逢故人元亮本無適俗韻。次公元亮陶潛之字其詩曰少無適俗韻性本愛丘山孝

章要是有名人。續三國志盛憲字孝章與少府孔融善融憂其不免禍與曹公書曰今之少年喜謗前輩或能譏評

岷卷却西湖千頃綠笑他魚尾更莘莘。次公先生自言其開西湖之實

事任毛詩云魚在藻有莘其尾次韻參寥

朝來處處白氍毹。次公老杜詩糝徑楊花鋪白氍樓閣山川盡一如總

是爛銀并白玉不知奇貨有誰居。次公史記呂不韋見秦太子曰此奇貨可居

次前韻答馬忠王

坡陀巨麓起連峰積累當年慶自鍾靈運子孫俱

得鳳。續謝超宗者謝鳳之子靈運之孫作殷淑如誄帝大嗟賞謂謝莊曰超宗殊有鳳毛慈明兄弟孰非

龍。援後漢語曰荀氏八龍慈明無雙河梁會作看雲別。次公又選李陵與蘇武詩三首其一曰攜手上

妨載酒從祗有西湖似西子。次公先生前為杭州倅日有句云欲把西湖比西子後作頴川

老去心灰不復燃。續莊子心若死灰又前漢韓安國在獄為獄吏田甲所辱曰死灰獨不復燃乎一麾

江海意方堅。援顏延年詠阮咸曰屢薦不入官一麾乃出守那堪黃散付子度。續蔡

廓字子度為吏部尚書宰相徐羨之曰自黃門以下悉以相委吾徒不復措懷自此以上故宜共參同異廓曰我不能為徐羨之署紙尾遂不拜次

蘇東坡詩集卷十三

文蔚堂

公黃散者黃門與散騎也王敦上疏言劉隗以黃散為參軍晉魏以來未有此也空羨蘇杭養樂天厚

蘇杭之風景章房天吳郡詩石記貞元中章應物為蘇州牧房孺復為杭州牧章嗜詩房嗜酒吳中目為詩酒仙余今自中書舍人間領二州既醉於彼又吟於此則蘇杭之風景章房之詩酒兼有之矣病肺一春難白酒援杜詩春復加肺氣此病蓋有因早歲與蘇鄭痛飲

情相親別腸三夜繞朱絃次公陸士龍云朱絃繞素腕杜甫云朱絃繞白雪羣仙政欲

吾歸去共把清風借玉川續盧全詩蓬萊山在何處玉川子乘此清風欲歸去

次韻劉景文見寄無已先生詩評云劉季孫景文平之次子也慷慨奇士死之日家無一錢但有書二萬軸畫數百幅

淮上東來雙鯉魚巧將詩信渡江湖細看落墨皆

松瘦想見掀髯正鶴孤次公掀髯言笑也景文美頌故謂之韻劉烈士家風安

用此書生習氣未能無莫因老驥思千里醉後哀

歌缺唾壺續晉書王敦醉後慷慨悲吟以鐵如意擊玉唾壺歌曰老驥伏櫪志在千里烈士暮年壯心不已歌罷唾壺皆缺

次韻錢穆父以軾得汝陰用杭越酬唱韻作詩見寄

大耿疲勞已離羣續後漢耿弇攻張步少笑曰以尤來大彤眾十餘萬吾皆破之今大耿兵少於彼又皆疲勞何足推乎注弇耿况之長子故呼為大耿小馮慈愛且當門軾本以舍弟親嫌請郡厚前漢馮立與兄野王相代為五原太守人歌之曰大馮君小馮君兄弟繼踵相因玉堂不

著扶犁手厚歐陽永叔詩云收取玉堂揮翰手却尋南畝把犁鋤霜鬢偏宜畫鹿幡

詩已入新歌舞要使邦人識雅言

韓退之孟郊墓銘云以昌其詩舉此問王

定國當昌其身邪昌其詩也來詩下語未

也漢相豪傑雖無兩王繼子直深父風流猶有二歐存叔弼季默清

次公後漢靈服志公列侯安車朱班輪倚鹿較伏熊又鄭弘為臨淮太守行春白鹿當道夾轂而行主簿黃國拜賀曰三公車輻畫作鹿明府必為

蘇東坡詩集卷十三

文蔚堂

契此答之

厚孟郊即真曜先生也銘曰於戲正曜維世不訾維執不猗雖卒不施以昌其詩

昌身如飽腹飽盡還當饑昌詩如膏面為人作容

姿不如昌其氣鬱鬱老不衰雖云老不衰劫壞安

所之厚楞嚴經言諸人天境乃至劫壞三災不及如是一類名兜率天不如昌其志志壹氣自

隨養之塞天地孟軻不吾欺人言魏勃勇股栗向

小兒厚前漢齊悼惠王傳魏勃本教齊王反漢既誅呂氏罷齊兵灌嬰使使召責問勃勃曰失火之家豈暇先言丈人而後救火乎因退立股戰而恐栗灌將軍熟視笑曰人謂魏勃勇矣庸人耳矣公小兒言灌嬰以嬰傳云雖少然數力戰何如魯連子

談笑却秦師謹勿怨謗讒乃我得道資淤泥生蓮

花續維摩經云譬如高原陸地不生蓮花濕汙泥乃生蓮花糞壤出茵芝厚柳子厚與蕭俛書朽枿腐敗不能

豈須多冷煖子自知賴此善知識使我枯生菓吾言續易佑楊生菓

和劉景文見贈

元龍本志陋曹吳豪氣崢嶸老不除續三國志陳登字元龍許汜與劉備

並在荆州牧劉表坐共論天下人失路今為噲等伍厚前漢韓

汜曰陳元龍湖海之士豪氣不除作詩猶似建安初厚前漢韓

陰侯嘗過樊將軍噲趨拜送迎言稱臣曰大王乃肯臨臣信出門笑曰生乃與噲等為伍

次公建安後漢末年號魏文帝典論曰今之文人魯國孔融文舉廣陵陳

琳孔璋山陽王粲仲宣北海徐幹偉長陳留阮瑀元瑜汝南應瑒德璉東

平劉楨公幹斯七子者於西來為我風鰲面厚列子范氏有子

學無所遺於辭無所假獨臥無人雪縞廬厚公縞字

緩步關前顧見商丘開年老力弱要令安世誦亡書厚史記秦王遺平原君書曰寡人

面目黧黑次公杜詩會面嗟鰲黑聞君之高義願與君為十日之飲

雪賦所隱則萬里同編

相校無所遺失新渡寺席上次趙景貺陳履常韻送歐陽

文蔚堂

叔弼比來諸君唱和叔弼但袖手旁觀而

已臨別忽出一篇有淵明風致坐皆驚歎

神屠不目全次公孫綽天台賦曰投刀皆虛目無全牛妙頰惟妝半厚南史后妃傳徐妃以元帝眇

一目壽知帝將至必為半面粉次公意則唐蔣凝應宏詞為賦更刀乃

族庖暖莊子良庖歲更刀割也族庖月更刀折也倚市必醜悍羅史記貨殖傳農不如賈賈不如商刺繡文不

如倚平生魏公籌厚晉書魏舒為鍾毓長史毓每與參佐射舒為市門畫籌而已後遇朋人不足以舒滿毓初不知其善

射舒容範圍雅發無不中舉坐莫有敵者毓歎曰吾之不足以盡卿才有如此射矣次公舒後為三公微時嘗詣野宿偶聞車馬之聲問寢者誰曰魏公則已有先

魏公則已有先忽斲郢人墁暖莊子郢人墁其鼻匠石運斤成風而斲之亞盡而鼻不傷詩書

亦何用適道須此館多言雖數窳窮不如守中微中

或排難厚史記太史公曰天道恢恢豈不大哉談言微中亦可以解紛子詩如清風嘒嘒發

將旦次公前漢李尋傳云日者眾陽之長人君之表也故曰將旦清風發風發羣陰伏又莊子大塊噫氣其名為風汝獨不聞之嘒嘒乎胡

為久閉匿綺語真自患厚綺語出佛書又樂天白氏文集記寓興放言緣情綺語者亦往往有之許

時笑我癡隔屋相詠歎次公晉書顧愷之與謝瞻連省夜於月下長詠瞻每遙贊之愷之彌自忘倦瞻

已眠令人代已愷之不覺竟識彥道否絕叫呼百萬厚晉書袁耽字

彥道桓温少時游於博徒資產俱盡欲求濟於耽耽時在艱許之無難色

遂變服懷布帽隨温與債主戲耽素有藝名債主聞之而不相識謂曰卿

當不辨作袁彥道也遂就局十萬一擲直上百萬耽投馬絕叫探布帽擲地曰竟識袁彥道否厚晉書

子皆冠厚陳書高宗謂蔡凝曰我欲用義興主婿錢肅為黃門郎卿意何如凝曰黃散之職故須人門兼美惟陛下察之任唐史李揆

傳肅宗謂揆曰卿門地莫言清潁水從此隔河漢厚靈怪集織女謂郭

於曰且河漢隔異時我獨來得魚楊柳貫暖石鼓文其魚維何維鯪維鯪何以

絕無可復知貫之維持歸不忍食尺素解悽斷羅古詩客從遠方來遺我雙鯉魚呼童烹鯉魚中有

尺素中有清圓句銅丸飛柘彈厚南史謝朓云好詩圓美流轉如彈丸春愁

結冰斯正待一笑泮百篇儻寄我呻吟鄭人緩厚莊

蘇東坡詩集卷十三

天

文蔚堂

七百七十二  
子列禦寇鄭人緩也呻吟表  
氏之地祗三年而緩為儒

次韻黃魯直見贈古風二首

敬夫魯直詩其一曰  
江梅有佳實託根桃

李場桃李終不言朝露借恩光孤芳忌皎潔冰雪空自香  
古來和鼎實此物升廟廊歲月坐成晚煙雨青已黃得升  
桃李盤以遠初見嘗終然不可口擲棄官道傍但使本根  
在棄捐果何傷其二曰青松出洞壑十里聞風聲上有百  
尺絲下有千歲苓小艸有遠志相依在平生醫和不並世  
深根且固蒂人言可醫國何用大早計小大才則殊氣味  
固相

佳穀臥風雨葳蕤登我場

天公書農殖嘉穀子孟  
子惡莠之亂苗也

陳前漫

方丈玉食慘無光

厚洪範惟  
辟玉食

大哉天宇間美惡更臭

香君看五六月飛蚤殷回廊茲時不少假俛仰霜

葉黃期君蟠桃枝千歲終一嘗

緬東海度朔山有大桃樹  
蟠屈三千里漢武時東郡

獻矮人指東方朔曰王母種桃三  
千歲一著子此子已三過偷之矣

顧我如苦李全生依路傍

援王戎嘗與羣兒戲道側見李樹多實競趨之戎獨  
不往或問其故戎曰樹在道邊而多子必苦李也

紛紛不足愠

悄悄徒自傷

厚詩憂心悄悄  
愠於羣小

空山學仙子妄意笙簫聲

續蕭史善吹簫作鸞鳳之音秦穆  
公有女弄玉喜吹簫公以妻之後

皆仙  
去

千金得奇藥開視皆稀苓

厚韓進學解管醫師以昌  
陽引年欲進其稀苓也

知市人中自有安期生

援前漢列仙傳安期生瑯邪人  
賣藥東海邊時人皆言千歲

今君

已度世坐閱霜中華摩挲古銅人歲月不可計

續

漢方術傳劉子訓於長安東霸城與一老翁  
共博銅人相謂曰適見鑄此已五百年矣

閨風安在哉

厚山海  
經閨風

謂玄圃要君相指似

密州宋國博以詩見紀在郡雜詠次韻答

之

吾觀二宋文字字照縑素

師二宋宋郊宋祁  
也國博乃其嗣子

淵源皆有

考奇險或難句後來邈無繼嗣子其殆庶次公易顏氏之子其

殆庶胡為尚流落用舍真有數當時苟悅可謹勿笑幾乎

杖杜續李林甫傳杖杜不識杖杜字謂韋斲窗誰救赴次公朝野食載

云唐陽滔為中書舍人時促命州制而吏持門鑰他適無善本檢視乃斲窗取之時號斲窗舍人袖手良優裕厚

之祭柳子厚文云不善為詩血指汗顏巧匠旁觀縮手神間山城辱吾繼次公山城指言密州也缺短煩

遮護昔年繆陳詩無人聊瓦注於今賡絕唱外重

中已懼續莊子以瓦注者巧以鈎注者憚以黃金注者惜其巧一也而有所矜則外重也凡外重者內拙何當附

家集擊壤追咸漢厚堯時有田父擊壤而歌曰我日出而作日入而自息豈非無事而食帝力何加於我哉黃帝之樂曰咸池湯之樂曰大濩公衮藝經云堯時擊壤壤以木為之前廣後鏡長尺四寸闊三寸其形如履將戲先側一壤於地遠三四十步以手中壤擊之中者為上

吾州下邑生劉季誰數區區張與李來詩有張僕射李臨淮之句次公先

### 答范祖禹

已塵埃惟有黃樓臨泗水郡有廳事俗謂之霸王廳相傳不可坐僕拆之以蓋黃樓續項羽重

白門窮呂布欲將鞍馬事曹瞞厚曹操擊布下邳布登白門樓兵圍之急乃下降布

見操曰明公之所患不過於布今已服矣今布將騎明公將步天下不足定也操小字阿瞞

次韻答王定國

每得君詩如得書宣心寫妙書不如眼前百種無

不有知君一以詩驅除傳聞都下十日雨清泥沒

馬街生魚舊雨來人今不來次公老杜秋述云秋杜于臥病長安旅次多雨生魚青苔及榻

當時車馬之客舊雨來今雨不來悠然獨酌臥清虛次公清虛王定國堂名也子由嘗為作記云我

文蔚堂

文蔚堂

文蔚堂

文蔚堂

雖作郡古云樂山川信美非吾廬次公謝朓云信美非吾室又淵明詩吾亦愛吾

廬願君不廢重九約念此衰老勤呵噓

和蔡準郎中見邀遊西湖三首

夏潦漲湖深更幽西風落木芙蓉秋飛雪暗天雲  
拂地新蒲出水柳映洲湖上四時看不足惟有人  
生飄若浮解顏一笑豈易得次公壺子之於列子五  
年之後始得解顏一笑主人  
有酒君應留君不見錢塘遊宦客朝推囚莫決獄  
不因人喚何時休

城市不識江湖幽如與蟪蛄語春秋續莊子逍遙遊篇  
蟪蛄不知春秋

試令江湖處城市却似麋鹿遊汀洲高人無心無

不可得坎且止乘流浮援曹誼鵬賦乘流  
則逝兮得坎則止公卿故舊留

不得遇所得得意終年留君不見拋官彭澤令琴無  
絃中有酒醉欲眠時遣客休

田間決水鳴幽幽插秧未遍麥已秋相攜燒筍苦

竹寺却下蹋藕蓮花洲子仁杜詩采菱寒  
刺上蹋藕野泥中船頭斫鮮細

縷縷船尾炊玉香浮浮臨風飽食得甘寢甯使細

故胷中留君不見壯士憔悴時饑謀食渴謀飲功

名有時無罷休

新城陳氏園次晁補之韻

荒涼廢圃秋寂歷幽花晚山城已窮僻况與城相  
遠我來亦何事徙倚望雲巘不見苦吟人清尊為  
誰滿



次韻劉景文登介亭

十朋介亭詳見介亭錢場傑次公詩注中堯卿景文詩云使君

中和堂六月無炎溽隨呼眾賓集一笑清風足復為曲水飲石面湧寒淥持杯襟袂涼酒出金鯨腹旌旗登鳳皇羽翼在林麓半空老崖斷千載靈藥伏松杉各雄枝螭蜃傍奔逐古韻豈塵世遐瞻有天目霸國荒故壇壇社侈新屋霞標起山近潮勢卷江速物外得長涼尊前尋往躅有客告將行遞留待珠玉欣然點鼠須萬象歸一幅終篇燦燦動滿座琅琅讀此時天樂奏到夜山鬼哭和之慚豈敢來者信難續粉壁鑑相射香煤塵不觸醉掃掃雙堵字字照岩谷星辰眾所仰富貴公豈欲一言換凡骨芝朮誰能服

澤國梅雨餘衰年困蒸溽高堂磨新塼頗覺利腰足松根百尺井兩綆飛淨淥流觴聚兒童一笑為捧腹厚史記司馬季主捧腹大笑清風信可馭剛氣在巖麓始知共此世物外無三伏長歌入雲去不待管絃逐西湖真西子煙樹點眉目濤江少醞藉高浪翻雪屋俯

仰撫四海百世飛鳥速遠追錢氏餘

次公指言吳越王錢氏也近

弔祖侯躅

堯卿祖無擇也

吾生如寄耳寸晷輕尺玉

援淮南子云聖人不

貴尺璧而重寸陰

誰似劉將軍逸韻謝邊幅

次公後漢書公孫述修飾邊幅

千言

一揮手五車不再讀

厚莊子惠子多方其書五車師韓愈詩為人強記覽過眼不再讀

春巖

彩雞舞月硤哀猿哭朝先啼鳩起莫與寒蟿續我

老廢吟哦賴君時擊觸從今事遠覽發軔此幽谷

清游得三昧至樂謝五欲

次公法華經有五欲曰淫慾欲曰睡眠欲曰飲食欲曰自恣欲曰貪

欲欲又維摩詰云汝等已發道意有法樂可以自娛不應復樂五欲

莫作狂道士氣壓劉師服

師韓退之作石鼎聯句詩序云道士軒輅彌明與劉師服侯喜作石鼎聯句二子思竭不能續曰尊師非人也某等服矣

袁公濟和劉景文登介亭詩復次韻答之

堯卿公濟名穀所和詩云東南富山水所病在卑溽陰晴變朝莫梅雨大田足翰苑燕高堂金尊浮蟻淥清冷四座

耳醉飽五經腹亭午登介亭紫紆俯山麓行路愁渴死是月丁初伏乘高瞰羣峰前後浪奔逐三吳在指掌百粵入雙目漢憂分朱轡竟意注黃屋下輿曾未幾傳命甚郵速霸遂伏下風元白仰高躅倡余而和汝談笑唾珠玉所恨繼者貧囊箱無寸幅劉侯世良將文史三冬讀坐翫胡騎却行歌燕旦哭儒將久寂寥斷絃今日續所得最在詩銛利鋒莫觸唱酬黃卷上如響答深谷王侯富方丈熊掌我所欲獨餒不得飽中心但誠服

昏昏墮醉夢奈此六月溽君詩如清風援詩吉甫作誦穆如清風吹

我朝睡足登臨得佳句江白照湖淥袖手獨不言

默藁已在腹厚王勃為文未嘗構思酣寢覺揮翰如飛人謂之腹藁是時風雨過藹藹

雲歸麓疎星帶微月金火爭見伏師秋夏之交以金代火金畏火故庚日必伏

惜哉此清景變滅不可逐歸來讀君詩耿耿猶在

目却思少年日聲價爭場屋文如翻水成次公韓退之詩文如

翻水成初不用意為賦作义手速厚太平廣記唐温庭筠才思豔麗工於小賦每入試押官韻作賦凡义手而八韻

成秋風起鴻鵠我亦繼華躅堯卿公濟試秩館職首薦公亦本場第七人故有繼華躅之句

那知君蹭蹬獨泣荆山玉相見南新道無已南新縣今併入新縣

青衫垂破幅早知事大謬恨不十年讀次公南史沈攸之言早知窮達

有命悔不十年讀書莫嫌馮唐老續左太冲詩馮公豈不偉白首不見招子仁馮唐傳有云父老何為郎終

勝賈誼哭今年復為僚舊好許重續升沈何足道

等是蠻與觸援莊子有國於蝸之左角曰觸氏有國於蝸之右角曰蠻氏時相與爭地而戰伏尸數萬共為

湖山主出入窮澗谷衆馳君不爭人棄我所欲何

時神武門相約挂冠服

和吳安持使者迎駕

小雪疎煙雜瑞光清波寒引御溝長瞳瞳日色籠

丹禁杳杳鞭聲出建章鷓鴣鷺偶叨陪下列天閣聊

四百四十八  
啓望中央歸來喜氣傾新句滿座疑聞錦繡香

次韻張甥棠美晝眠

炎歊五月北窗涼更覺甘如飯稻梁宰我糞牆譏  
敢避孝先經笥謔兼忘憂虞心謝知時鴈安穩身  
同挂角羊要識熙熙不爭競華胥別是一仙鄉

元翰少卿寵惠谷簾水一器龍團二枚仍  
以新詩爲貺歎味不已次韻奉和

巖垂足練千絲落雷起雙龍萬物春此水此茶俱  
第一共成三絕景中人

奉和陳賢良

不學孫吳與六韜敢將駑馬並英豪望窮海表天

還遠傾盡葵心日愈高身外浮名休瑣瑣夢中歸  
思已滔滔三山舊是神仙地引手東來一釣鼈

和參寥見寄

黃樓南畔馬臺宮雲月娟娟正點空欲共幽人洗  
筆硯要傳流水入絲桐且隨侍者尋西谷莫學山  
僧老祝融待我西湖借君去一杯湯餅潑油葱

和參寥

芥舟只合在坳堂紙帳心期老孟光不道山人今  
忽去曉猿啼處月茫茫

蘇東坡詩集注卷第十三

